

CONVOCATORIA PA LA ESCOYETA DE PROPUESTES D'ESPECTÁCULOS FAMILIARES Y ESCOLARES DE MÚSICA Y D'ARTES ESCÉNIQUES PA PROGRAMALOS EN LLABORAL CIUDÁ DE LA CULTURA

EL PROYECTU

La Sociedá Pública de Xestión y Promoción Turística y Cultural del Principáu d'Asturies (d'equí p'alantre, la SPXP) tien encomendada la xestión de dellos equipamientos culturales, turísticos y deportivos de la rexón, ente ellos Llaboral Ciudá de la Cultura en Xixón.

Dende Llaboral, ufiértase una programación recurrente y variada pa toa clas de públicu (adulto, familiar, escolar, etc.), tanto d'espectáculos musicales como d'artes escéniques, ente otres disciplines.

Tanto les artes escéniques como la música son un productu cultural y una manifestación artística qu'ayuden al desenvolvimientu económicu, la creación d'emplegu y el caltenimientu de la diversidá cultural y, por eso, formen parte de les manifestaciones culturales propuestas pa la programación familiar y escolar de Llaboral Ciudá de la Cultura, colo que se quier, amás, xenerar una ufierta artística diversa y de calidá, fomentar el desenvolvimientu de los vezos y el consumu culturales ente públicu vario na so contorna más averada y dar a conocer la diversidá de xéneros y formatos artísticos.

Basándose no espuesto, la SPXP promueve una convocatoria pa escoyer espectáculos de delles disciplines d'artes escéniques (teatru, danza, circu, maxa y teatru d'oxetos y títeres), amás de proyectos musicales interpretaos por bandes y/o solistes musicales. A partir de la escoyeta, va conformase un rexistru d'espectáculos diversu y representativu del máximu númberu posible de disciplines de les artes escéniques y la música, que va valir pa facer la programación familiar y escolar de Llaboral Ciudá de la Cultura.

1.- OXETU DE LA CONVOCATORIA

L'oxetu d'esta convocatoria ye escoyer proyectos artísticos de música y artes escéniques pa programar depués espectáculos familiares y escolares en Llaboral Ciudá de la Cultura dientro del programa VAMOS! 2025-2026.

Con esta convocatoria establécense les bases y requisitos que van rexila, amás del procedimientu pa escoyer los espectáculos que van integrar esta llista con respetu a los principios de publicidá, llibre concurrencia y oxetividá.

2.- PUBLICACIÓN Y PUBLICIDÁ

Esta convocatoria y bases, amás de la resolución del procedimientu, van publicase na páxina web de Llaboral Ciudá de la Cultura (laboralciudadde lacultura.com), ensin perxuiciu de los medios complementarios de difusión que la SPXP considere afayadizo usar.

3.- SOLICITANTES

Van poder participar nesta convocatoria les persones físiques o xurídiques que cumplan estos requisitos:

- Desenvolver la so actividá principal n'ámbitu de la investigación o programación d'actividaes culturales, didáctiques, educatives y artístiques.
- Atopase al corriente de les sos obligaciones tributaries col Estáu y cola comunidá autónoma del Principáu d'Asturies, amás de les obligaciones cola Seguridá Social.
- Tar daos d'alta na Seguridá Social y n'epígrafe correspondiente del Impuestu d'Actividaes Económiques y acreitar la solvencia técnica precisada primero d'empezar les actividaes nel casu de que'l proyectu resulte escoyíu.

Esta documentación ha presentase **cuando se notifique que'l proyectu resultó escoyíu** y primero d'empezar les actividaes.

4.- CARACTERÍSTIQUES DE LOS PROYECTOS QUE PUEDEN PARTICIPAR NESTA CONVOCATORIA

Les característiques qu'han cumplir les propuestes son estes:

XÉNERU: pueden presentase a esta convocatoria espectáculos d'estes manifestaciones artístiques: música, teatru, danza, circu, maxa, teatru d'oxetos y títeres, y de formatos, estilos y públicu oxetivu variaos.

PÚBLICU OXETIVU: familiar, xuvenil, infantil y escolar.

LLINGUA: van aceptase proyectos d'actividá en castellanu, asturianu y eonaviego (gallego-asturianu), inglés y francés.

SEDES: les actividaes van desenvolvese nos espacios de Llaboral Ciudá de la Cultura xestionaos pola SPXP, principalmente'l Teatru y el Paraninfu.

Tolos espacios propuestos han cumplir la llexislación vixente en materia de seguridad y la referida a prevención de riesgos llaborales, amás de les midíes decretaes y vixentes en materia de seguridad y prevención del COVID-19 pa la celebración d'espectáculos.

NÚMBERU DE PROYECTOS POR PROFESIONAL O ENTIDÁ: el númberu final de proyectos que se contraten va determinase pol presupuestu máximu disponible. El máximu de propuestes pa participar nesta convocatoria por profesional o entidá ye de trés proyectos.

MEDIOS TÉCNICOS Y HUMANOS: cada profesional o entidá ha poner los medios técnicos (de los que nun disponga la sede) y humanos (músicos/as, actores, actrices, personal técnico...) que seyan menester pa la representación/conciertu.

TEMPORALIDÁ Y FECHES: les actividaes van programase ente'l 1 d'ochobre del 2025 y el 30 de xunu del 2026.

PRESUPUESTU MÁXIMU POR PROYECTU: establezse un preciu máximu por actividá pa participar nesta convocatoria de:

- Función familiar: 2.500 € + IVA
- Función familiar + función escolar al otru día depués de la función familiar: 4.000 € + IVA

DERECHOS D'EXHIBICIÓN: cada profesional o entidá ha tener los derechos de propiedá intelectual pa exhibir o mostrar el proyectu que proponga. La SPXP va correr colos gastos de derechos d'autor que se xeneren pola exhibición de los espectáculos que resulten escoyíos, d'aluerdu coles condiciones establecies pola SGAE (Sociedá Xeneral d'Autores y Editores) o pola entidá xestora de los derechos mentaos.

5.- PRESENTACIÓN DE SOLICITUÉS

Les solicitúes han presentase al traviés de la web <http://panel.asturiesculturaenrede.es>

Desque presentada, el/la solicitante va recibir acuse de recibu per corréu electrónicu.

Documentación qu'ha presentase:

- 1º. Impresu de solicitú, dossier del espectáculu y presupuestu d'alcuerdu col modelu establecíu n'ANEXU I.
- 2º. Declaración responsable d'alcuerdu col modelu establecíu n'ANEXU II.
- 3º. Currículum del profesional o entidá que presenta'l proyectu.
- 4º. Descripción detallada de les necesidaes técniques necesaries (que nun ponga la entidá que participa na convocatoria), si fore menester.
- 5º. Semeya/es ilustrativa/es del proyectu.
- 6º. Enllaz a videu.

La hora y fecha tope de presentación de les solicitúes van ser **les 12:00 hores del día 9 de mayu del 2025.**

6.- VALORACIÓN DE LOS PROYECTOS, CATALOGACIÓN Y ESCOYETA

La valoración de los proyectos o propuestas presentaes va facese, d'alcuerdu colos criterios fixaos nestes bases, dende l'área de Xestión d'Espacios de Llaboral Ciudá de la Cultura, integrada por:

- Lourdes Prendes García-Barrosa, xefa del Área de Xestión d'Espacios de Llaboral Ciudá de la Cultura.
- Silvia Álvarez Solís, técnica del Área de Xestión d'Espacios de Llaboral Ciudá de la Cultura.
- Verónica Ruíz Gutiérrez, técnica del Área de Xestión d'Espacios de Llaboral Ciudá de la Cultura.

Van poder pidise a los/es interesaos/es toles aclaraciones, información o documentación complementario que seya menester pa la valoración correcta de los proyectos.

La resolución va comunicase a los/es interesaos/es primero del 30 de xunu del 2025, amás de na web de Llaboral Ciudá de la Cultura (laboralciudadde lacultura.com).

Criterios de valoración. Van calificase les propuestas presentaes como “Aptes” y “Non aptes”, valorando que s'afaigan a estos criterios:

-Interés cultural y/o artísticu del proyectu. Van valorase sobre manera la calidá didáctica y calter novedosu del proyectu y va tenese en consideranza'l grau d'elaboración, detalle y concreción de la propuesta.

-Va tenese una consideranza especial con aquellos propuestes que fomenten la igualdá y la diversidá, qu'usen un llinguaxe inclusivu, que promuevan una mayor visibilidá de la muyer y/o que propongan discursos dende la identidá de xéneru.

- La formación, experiencia y trayectoria de profesionales y entidaes implicaes nel desenvolvimientu de los proyectos.

-Viabilidad técnica, económica y rigor presupuestariu. L'adecuación del preciu al númberu de profesionales implicaos y los medios técnicos y materiales que s'apurran.

Desque valoraos tolos proyectos, va publicase un informe indicando qué espectáculos resultaron "Aptos" y "Non aptos". Colos proyectos consideraos aptos, la SPXP va elaborar un catálogu que va valir como base pa escoyer los espectáculos que van incorporase na programación de Llaboral Ciudá de la Cultura pal periodu que va dende'l 1 d'ochobre del 2025 hasta'l 30 de xunu del 2026, y va contactase colos profesionales de los proyectos escoyíos pa cuadrar les feches de les actividaes.

7.- DOCUMENTACIÓN QU'HAN PRESENTAR LOS PROYECTOS ESCOYÍOS

Desque confirmada la selección y axudicación del proyectu, los escoyíos han presentar nel plazu requeríu esta documentación:

- a) Documentos qu'acreíten la personalidá del solicitante. Si'l solicitante fore persona xurídica, ha acreitase cola presentación de la escritura de constitución o modificación, si ye'l casu, inscrita correctamente nel Rexistru Mercantil cuando esti requisitu seya esixible según la llexislación mercantil aplicable. Si esti requisitu nun fore esixible, la capacidá d'obrar ha facese cola escritura o documentu de constitución, estatutos o acta fundacional, onde consten les normes poles que se regula la so actividá, inscritos, si ye'l casu, nel Rexistru Oficial correspondiente. Pa empresarios individuales y persones físiques, va ser obligatoria la presentación de la fotocopia del DNI o documentu que, nel so casu, lu sustituya reglamentariamente.
- b) Documentos qu'acreíten, si ye'l casu, la representación. Los que comparezan o firmen ufiertes en nome d'otru han presentar Documentu Nacional d'Identidá y poder. Esti poder ha figurar inscitu nel Rexistru Mercantil o, si ye'l casu, nel Rexistru Oficial correspondiente. Si se trata d'un poder p'actu concretu, nun ye menester la inscripción nel Rexistru Mercantil, d'alcuerdu col artículu 94.5 del Reglamentu del Rexistru Mercantil
- c) Acreitación d'atopase al corriente d'obligaciones tributaries y cola Seguridá Social:

- Impuestu sobre Actividaes Económiques: alta nun epígrafe rellacionáu con col oxetu de la convocatoria referida al exerciciu corriente, o últimu recibu, acompañáu d'una declaración de nun tar dau de baxa na matrícula del impuestu mentáu, o bien certificáu de situación al respective d'esti impuestu emitíu pola Axencia Tributaria.
- Certificación positiva acreitativa d'atopase al corriente de les obligaciones tributaries col Estáu emitida pola Axencia Estatal de l'Alministración Tributaria.
- Certificación positiva del Ente Públicu de Servicios Tributarios del Principáu d'Asturies acreitativa d'atopase al corriente de les obligaciones tributaries col Principáu d'Asturies.
- Certificación positiva d'atopase al corriente de les obligaciones cola Seguridá Social emitida pola Tesorería Xeneral de la Seguridá Social.

NOTA ACLARATORIA:

Nun van tener que presentar l'impuestu d'actividaes económiques aquellos proyectos escoyíos que tean nel supuestu d'exención del impuestu sobre'l valor añadiu que s'establez n'artículu 20. Ún. 26.ª de la Llei 37/1992, de 28 d'avientu, del Impuestu sobre'l Valor Añadiu: “Los servicios profesionales, incluyíos aquellos con una contraprestación que consista en derechos d'autor, desenvueltos por artistes plásticos, escritores, collaboradores lliterarios, gráficos y fotográficos de periódicos y revistes, compositores musicales, autores d'obres teatrales y d'argumentu, adaptación, guión y diálogos de les obres audiovisuales, traductores y adaptadores”.

Les solicitúes que, siendo propuestas pa facer el so proyectu, nun acreíten dientro del plazu establecíu'l cumplimentu de les obligaciones precisaes o nun presenten la documentación en plazu van poder escartase.

8.- FORMALIZACIÓN DE LOS CONTRATOS

Desque acreitaos los requisitos de participación, van formalizase los contratos correspondientes. El plazu pa la formalización d'estos contratos va depender de la fecha de realización de l'actividá, teniendo que formalizase siempre a lo menos 7 díes primero de la fecha cuando se tenga que desenvolver esta actividad. El pasu d'esi plazu ensin que llegue a formalizase'l contratu por causes imputables al solicitante va provocar la caducidá de la solicitú, la perda de los derechos que pudieren corresponder y la esclusión del so proyectu del catálogu.

9.- OBLIGACIONES DE LES ENTIDAES ESCOYÍES

Nel casu de resultar escoyida la so propuesta, los profesionales comprométense a:

- Desenvolver el proyectu nes feches, hores y términos conveníos.
- Apurrir a la SPXP una guía didáctica del espectáculu pa facela llegar a los centros escolares primero de celebrar l'espectáculu
- Poner a disposición de la SPXP el material gráficu y audiovisual al so algame pa facilitar la promoción y difusión del eventu.
- Difundir al traviés de los sos medios información sobre l'actividá (web, redes sociales, *mailing*, etc.) y collaborar cola SPXP na atención a los medios de comunicación nel casu de que seya menester.
- Aceptar l'usu del nome del profesional, asociación y/o empresa p'acciones promocionales o de comunicación del proyectu.
- Presentar la documentación que resulte d'aplicación según la llexislación vixente en materia de seguridad llaboral y prevención de riesgos llaborales.

10. - ACEPTACIÓN DE LES BASES

La presentación d'un proyectu a esta convocatoria supón l'aceptación automática y completa d'estes bases.

ANEXU I:

DATOS FISCALES Y CONTACTU	
Datos fiscales y de facturación (Nome fiscal, seños y CIF)	
Datos de contactu (nome, teléfonu, corréu electrónicu y redes sociales)	

DATOS DEL PROYECTU	
Denominación del proyectu	
Temática/Disciplina	
Descripción del proyectu	
Autoría	
Llingua	
Espaciu preferente d'exhibición (Teatru, Paraninfu o cai)	
RRHH implicaos nel proyectu (Númeru y perfiles)	
Públicu oxetivu: indicar rangu d'edá aconsayáu y ciclos y/o cursos escolares a los que va dirixíu'l proyectu (IMPRESINDIBLE)	
Aforu máximu aconsayáu	
Duración de l'actividá	
Guía didáctica (SÍ/NON)	

DATOS ECONÓMICOS IMPUESTOS NON INCLUYÍOS	
Presupuestu por actividá pa función familiar	€
Presupuestu por actividá pa función familiar + función escolar al otru día depués de la función familiar	€

OTROS	
Información adicional / Observaciones	

ANEXU II

DECLARACIÓN RESPONSABLE

D./D.^a.con NIFn.^u

En nome propiu o en representación de la empresa
.....con NIF n.^uen
calidá de

Tocante a la solicitú de participación na convocatoria pa escoyer propuestas pa la elaboración d'un catálogu d'actividaes didáctiques y lúdiques y programales depués n'equipamientos culturales y deportivos del Principáu d'Asturies **DECLARA BAXO LA SO RESPONSABILIDÁ** que:

1.- Ta en situación d'alta n'Impuestu d'Actividaes Económiques (IAE), baxo l'epígrafe
..... correspondiente a

2.- Nun incurre nes prohibiciones pa contratar previstes n'artículu 71 de la Llei 9/2017, de 8 de payares, de Contratos del Sector Públicu y atópase al corriente del cumplimientu de les obligaciones tributaries col Estáu y cola comunidá autónoma del Principáu d'Asturies y de les obligaciones cola Seguridá Social, impuestos poles disposiciones vixentes.

3.- Tien la titularidá de los derechos d'esplotación del proyectu que presenta a la convocatoria.

Y pa qu'asina conste y tenga efectos énte la Sociedá Pública de Xestión y Promoción Turística y Cultural del Principáu d'Asturies, SAU, firma esta solicitú y declaración responsable

En a ____ de del 2025

Firmao:

(firma del solicitante o representante llegal)

INFORMACIÓN BÁSICA SOBRE PROTECCIÓN DE DATOS	
Responsable	SOCIEDÁ PÚBLICA DE XESTIÓN Y PROMOCIÓN TURÍSTICA Y CULTURAL DEL PRINCIPÁU D'ASTURIES, S.A.U.
Finalidá	Participación na programación d'espectáculos familiares y escolares en Llaboral Ciudá de la Cultura dientro del programa VAMOS! 2025-2026.
Llexitimación	Consentimientu del interesáu.
Destinatarios	Los datos van poder usase pol personal adscrito a la SPXP.
Derechos	Acceder, correxir y suprimir los datos, amás d'otros derechos, como s'esplica na información adicional.
Información Adicional	Pue consultar la información adicional y detallada sobre Protección de Datos na nuestra páxina web: https://www.turismoasturias.es/aviso-legal